



Акафист

святому преподобному

Силуану, Афонскому

чудотворцу

Кондак 1

Избранный уго́днице Христов и чудотворче, преподобне о́тче Силуáne, земли́ Росси́йския свети́льнице, Святы́я Горы́ Афо́нския подви́жнице предивный, прославляем тя́ в пѣсняхъ духо́вныхъ, свята́го моли́твенника и засту́пника на́шего. Ты́ же, я́ко имѣяй дерзнове́ние ко Го́споду, предста́тельствомъ твои́мъ небе́снымъ отъ всякихъ насъ бѣдъ свободи́, съ любо́вию зову́щихъ:

Ра́дуйся, преподобне Силуáne, проповѣднице любви́ ко враго́мъ и наста́внице смире́нию и моли́тве.

Икос 1

А́нгелъ земный и челове́къ небе́сный яви́лся еси́, о́тче святы́й Силуáne, егда́ служи́ти Го́сподеви в

преподобии и правде возжелел еси. Сего ради, великим отцем древним подражая, равноангельно во обители русстей святого великомученика Пантелеимона пожил еси и тамо сиянием Святого Духа озаренный, ум Христов стяжал еси и был еси тайник Божия благодати, образ богоугодного жития показуя. Ныне же предстоя Престолу Святыя Троицы, вкупе с лики преподобных отец Афонских, молися о нас, благоговейно чтущих тя и зовущих тебе сице:

Радуйся, православною Россійскою землею рожденный; радуйся, родителей благочестивых чадо благословенное.

Радуйся, Бога всем сердцем и всею душою возлюбивый; радуйся, веру святую, яко многоценный бисер стяжавый.

Радуйся, сердце твое воли Божией всецело покоривый; радуйся, отечество земное, дом свой, отца и мать Христа ради оставивый.

Радуйся, на Святую Гору Афонскую невозбранно пришедый; радуйся, во обитель русскую на Горé сей вселивыйся.

Радуйся, в смирении и послушании образ ангельския красоты явивый; радуйся,

непреста́нною моли́твою на вы́соту безстра́стия
возше́дый.

Ра́дуйся, благоволе́нием и любóвию Бо́жия
Ма́тере осенённый; ра́дуйся, на Небеси́ и на
земли́ ны́не просла́вленный.

Ра́дуйся, преподо́бне Силу́ане, пропове́днице
любви́ ко враго́м и наста́внице смире́нию и
моли́тве.

Конда́к 2

Ви́дящи тя́ Преблагослове́нная Де́ва Богоро́дица
во гресе́ погиба́юща, милосе́рдова о тебе́ и тихим
гла́сом любве́ призва́ тя к пока́нию. Ты́ же, о́тче
святы́й, позна́вый ду́хом Ма́терь Го́спода,
нико́лиже забыва́л еси́ дивное́ сие́ посеще́ние и
кро́тка́я словеса́ Бо́жия Ма́тере. Те́мже, оста́вив
пу́ть, к поги́бели веду́щий, слеза́ми пока́ния
омы́в грехи́ ю́ности своея́, в сокруше́нии се́рдца
прибега́л еси́ к Живода́вцу Христу́, во умиле́нии
воспева́я Ему́: Аллилу́ия.

И́кос 2

Ра́зум богопросвеще́нный име́я, вели́кий
пра́ведник Ио́анн Кроншта́дтский чудотво́рец
провиде́ твоё мона́шеское соверше́нное жити́е и
благослови́ тя, преподо́бне о́тче Силу́ане, на пу́ть
ино́ческаго служе́ния Бо́гу. Ты́ же оте́чество

земно́е оста́вил еси́ и в вертогра́д дивно́
призва́вша тя́ Бо́жия Ма́тере, Святу́ю Го́ру
Афо́нскую, напра́вил еси́ стопы́ своя́, да та́мо
обря́щещи приста́нище безмяте́жное ко
спасе́нию. Те́мже восхваля́юще таково́е
изволе́ние твоё, благослове́нием Бо́жиим
осене́нное, воспева́ем ти́:

Ра́дуйся, от пелён Цёрковь Бо́жию
возлюбíвый; ра́дуйся, бога́тство земно́е ни во
что́же вмени́вый.

Ра́дуйся, земли́ Тамбо́вския свётлое
ра́дование; ра́дуйся, о лю́дех росси́йских
усёрдный пред Бо́гом ходатаю́.

Ра́дуйся, от мра́ка грехо́внаго к Свёту истины́
Христо́вой Са́мою Пречи́стою при́званный;
ра́дуйся, бы́ти де́лателем Ея́ земна́го вертогра́да
избра́нный.

Ра́дуйся, Бо́жий избра́нниче, на Святу́ю Го́ру
пресели́вшийся; ра́дуйся, во святе́й оби́тели
Пантелеимо́новой а́нгельски Бо́гу послужи́вый.

Ра́дуйся, крест от Бо́га да́нный безро́потно на
себе́ возложи́вый; ра́дуйся, в труде́, посте́ и
безмо́лвии врага́, борю́щаго тя́, сла́вно
победи́вый.

Ра́дуйся, от юности на высоту́ совершенства
возше́дый; ра́дуйся, к Богоро́дице моли́твенниче
наш неусы́пный.

Ра́дуйся, преподо́бне Силуа́не, пропове́дниче
любви́ ко враго́м и наста́вниче смире́нию и
моли́тве.

Конда́к 3

Си́лою свы́ше укрепле́нный, не устраши́лся еси́
злокóзненных напа́стей врага́ спасе́ния и
кре́пкою ве́рою, я́ко щито́м огражда́ясь, отрази́л
еси́ вся́ губи́тельныя по́мыслы невидимаго
супоста́та ору́жием моли́твы, бде́нием и
поще́нием, непреста́нным тече́нием слез твои́х
умило́стивляя Го́спода, и та́ко в терпе́нии
стяжа́л еси́ да́ры благода́тныя, в духо́вном
весели́и воспева́я благода́ющему ти́ Бо́гу
а́нгельскую пе́снь: Аллилу́ия.

И́кос 3

Име́я бога́тство благода́ти, ду́хом на Небеса́
возведе́н был еси́, о́тче Силуа́не, и та́мо
сподо́бился еси́ зрети́ Ли́к всепроща́ющего
Христа́ Бо́га, явля́шагося тебе́ в сия́нии
несказа́ннаго Божество́ннаго све́та, иде́же ты́,
преиспо́лненный неизрече́нныя ра́дости и
умиле́ния, благода́рно взыва́л еси́: «Го́споди, ми́р

погибаёт в отчаянии; мне, яко недостойнейшему из всех, Ты, отче, открываеши тайны жизни вечныя; даждь всему миру познати Тебе». Сего ради вѣдуще тя избранника Божия и моли́твенника о мире всего́ мира, радостно зываем:

Ра́дуйся, иноческаго жития́ скорби и тесноту́ возлюбивый; ра́дуйся, дар непреста́нныя моли́твы от Пресвяты́я Богородицы получи́вый.

Ра́дуйся, на гору́ высокую́ добродѣтелей Божественных возше́дый; ра́дуйся, во смире́нии твоём вели́ких дарова́ний Бо́жих удосто́ивыйся.

Ра́дуйся, Христо́ва посеще́ния сподо́бивыйся; ра́дуйся, зрѣнием красоты́ Ли́ка Бо́жия возра́дованный.

Ра́дуйся, видѣние сие́, яко сокровище духо́вное нам оста́вивый; ра́дуйся, имже вдохновля́емся шествовати по пу́ти к жи́зни вѣчной.

Ра́дуйся, в Еде́м Небе́сный Ду́хом Святы́м возведе́нный; ра́дуйся, благодатными да́ры Ду́ха Свята́го напоённый.

Ра́дуйся, в се́рдце твоём о́браз Христа́
непреста́нно носивый; ра́дуйся, любви́ и
сострада́ния к лю́дем исполненный.

Ра́дуйся, преподо́бне Силуа́не, пропове́днице
любви́ ко враго́м и наста́внице смире́нию и
моли́тве.

Конда́к 4

Бу́ря злых по́мыслов от врага́ воздвига́емая, я́ко
пла́мень а́да обдержа́ тя, о́тче святы́й, да
испы́тана бу́дет ве́ра твоя́, я́ко зла́то в горни́ле,
да позна́еши немо́щи па́дшаго естества́
Ада́мова. Ты́ бо испы́тал еси́ в томле́нии души́
отпаде́ние от Бо́жия благода́ти и препобеди́л еси́
искуше́ние си́е во блаже́нном пла́че, почита́я
себе́ низжа́йшим все́х люде́й, и та́ко позна́л еси́,
ка́ко подоба́ет стяжа́ти благода́ть и хранити́ ю́,
непреста́нно благода́ря и по́я Бо́гу, Помо́щнику и
Покрови́телю на́шему победную́ пе́снь: Аллилу́ия.

И́кос 4

Слы́ша Госпо́дь твоя́ воздыха́ния от тяжких
искуше́ний диа́вольских, дарова́ ти разуме́ти,
ка́ко противоста́ти лю́тым ко́знем вра́жиим;
мно́зи бо бе́си напо́лниша ке́ллию твою́, не
терпя́ще твоея́ ре́вности о непреста́нней моли́тве
и богомы́слии, и страхова́ньми хотя́ху в ми́р тя́

возврати́ти. Тогда́ Са́м Госпо́дь откры́ тебе́ та́йну жи́зни в ду́хе, глаго́ля: «Держи́ у́м тво́й во а́де и не отча́ива́йся». Си́е бо е́сть ору́жие на диа́вола непобеди́мое, стра́сти попада́ющее и све́том смире́ния Христо́ва озаря́ющее. Те́мже и мы́, си́е пра́вило прии́мше, благода́рно вопие́м ти́ си́це:

Ра́дуйся, зла́то, огне́м искуше́ний очище́нное; ра́дуйся, кади́ло, пока́янным пла́менем возжже́нное.

Ра́дуйся, я́ко в богооста́вленности ду́шу твою́ сугу́бо испыта́л еси́; ра́дуйся, я́ко ве́рою и пла́чем та́йным отча́яние ду́ши твоея́ победи́л еси́.

Ра́дуйся, постом и моли́твою стрéлы лука́ваго до конца́ отрази́вый; ра́дуйся, му́жество ве́лие в борьбе́ с духа́ми зло́бы яви́вый.

Ра́дуйся, вся́ ко́зни диа́вола смиренномудре́нно попра́вый; ра́дуйся, злоухищре́ния его́ побежда́ти и нас научи́вый.

Ра́дуйся, благо́е и́го Христо́во в подвизе твоём с любóвию носи́вый; ра́дуйся, я́ко за все́х нераска́янных грéшников во а́д снiти желáл еси́.

Ра́дуйся, у́м тво́й, се́рдце и во́лю в Бо́зе
моли́твенно утверди́вый; ра́дуйся, таи́нниче
Бо́жий, ещѐ на землѝ небѣсных бла́г вкуси́вый.

Ра́дуйся, преподо́бне Силуа́не, проповѣдниче
любви́ ко враго́м и наста́вниче смире́нию и
моли́тве.

Конда́к 5

Богосвѣ́тлою звездо́ю на небеси́ церко́внем
яви́лся еси́, пресла́вне о́тче Силуа́не,
добродѣ́тельми сия́я а́ки луча́ми светоза́рными,
мра́к уны́ния и отча́яния си́лою моли́твы
отгоня́я и духо́в злы́х благода́тию Бо́жиею
низлага́я. Ты́ бо ду́шу свою́ слеза́ми вели́кими
омы́вый, восприя́л еси́ свы́ше благода́ть
ходата́йствовати о́ всех лю́дех, взыва́я: «Го́споди,
посли́ ми́лость Свою́ на дете́й землѝ, ихже
люби́ши, и все́м им да́ждь разуме́ти любо́вь
Твою́ и позна́ти сла́ву Твою́ Ду́хом Святы́м». И
ны́не предсто́я Престо́лу Бо́жию, да́ждь на́м
утеше́ние в ско́рбех, да согре́ются ра́достью
печа́льная серде́ц люде́й и да позна́ют они́
любо́вь Бо́жию, воспева́юще Ему́ пе́снь:
Аллилу́ия.

И́кос 5

Ви́деша тя́, блаже́нне Си́луа́не, насе́льницы Го́ры
Афо́нския но́ваго свети́льника благода́ти Бо́жия,
и́бо Бо́жиим произво́лением яви́лся еси́ ми́ру я́ко
му́ж ве́лий в по́двизех у́мнаго де́лания и
ми́лостью Его́ прони́кал еси́ в глублины́
богосло́вия. Сего́ ра́ди потеко́ша к тебе́ и́щущи
душеспаси́тельного наста́вления и обрето́ша в
тебе́ богому́драго учи́теля ино́ческаго
равноа́нгельнаго жити́я. Те́мже писа́ния тво́я,
одушевле́нная дыха́нием Ду́ха Свята́го оста́вил
еси́ на́м и мно́гих напитáл еси́ хлѣ́бом уче́ния
твоего́. Помози́, о́тче святы́й, все́м блужда́ющим
в пусты́ни ми́ра найти́ Исто́чник жи́зни ве́чныя,
озари́ словесы́ свои́ми ожесто́ченная се́рдца
на́ша, да напои́мся стру́ями живоно́сными
Божѣ́ственнаго уче́ния, благода́рно воспева́юще
тебе́ сицевáя:

Ра́дуйся, зрите́лю Божѣ́ственных ви́дений;
ра́дуйся, слы́шателю глаго́лов небѣ́сных.

Ра́дуйся, Ду́хом оза́ренный богосло́вити
Творца́; ра́дуйся, Того́ ми́лости и всепро́щения
проповѣ́днице.

Ра́дуйся, я́ко моли́твами и по́двиги ра́зум
духо́вный стяжа́л еси́; ра́дуйся, я́ко мно́гих ко
спаса́нию привёл еси́.

Ра́дуйся, учи́телю христиа́нского
совершенство́; ра́дуйся, исто́чнике
богодухнове́нных поуче́ний.

Ра́дуйся, глуби́ны таи́н Бо́жих словесы́
просты́ми яви́вый; ра́дуйся, богому́дрый
наста́вниче, руководи́й к небеси́ ве́рных.

Ра́дуйся, да́ры Ду́ха Свята́го в се́рдце твоё
прие́мый; ра́дуйся, путево́дителю на́ш во
Оте́чество Небе́сное.

Ра́дуйся, преподо́бне Силуа́не, пропове́дниче
любви́ ко враго́м и наста́вниче смире́нию и
моли́тве.

Конда́к 6

Пропове́дник любве́ ко враго́м яви́лся еси́ ми́ру,
преподо́бне Силуа́не, я́ко Ду́х Святы́й научи́ тя
ми́ловати враги́ и моли́тися за ни́х, подража́я
Распя́тому за ны́ Христу́. Ты́ бо о́браз смире́ния
Христо́ва и любо́вь Его́ житие́м твои́м показа́л
еси́, со слеза́ми взыва́я: «Бра́тие, любите́ враги́
ва́ша, сии́ бо су́ть бра́тия ва́ша, враг же ва́ш –
диа́вол е́сть; а́ще кто́ не лю́бит враги́ своя́, то́й
не позна́ Бо́га». Те́мже ви́дяще ты́ хра́м живы́й

Божественная любовь, молим тя, просвети ожесточенная сердца наша и сподоби нас любить врагов наших, якоже повеле Господь, в радости поюще Ему: Аллилуия.

Икос 6

Возсия свет Божественный, явленный всещедром Христом Богом, и исполни твое безпорочное сердце радостью и блаженством неизглаголаным, егда ты в болезни души твоея о мире, во зле лежащем, моился еси Богу, Источнику жизни и вечных благ, о всех людех, томлящихся во тьме и сени смертной, имже ты ходатайствовал еси со слезами в ночных молитвах отраду и покой, да не лишатся они милости Божией и познают любовь Творца своего. Мы же ведуще тя дерзновеннаго молитвенника о нас пред Богом, из глубины сердец приносим ти пение сие:

Радуйся, в молитве за мир горение любви неугасимое; радуйся, тайновидче человеколюбия Божия.

Радуйся, во плоти ангельски поживый; радуйся, воине Христов непобедимый.

Ра́дуйся, за́поведь Христо́а о любви́ к враго́м испо́лнивый; ра́дуйся, уче́ние о спасе́нии души́ е́ю запечатле́вый.

Ра́дуйся, Бо́гу в милосе́рдии ко все́м лю́дем подража́вый; ра́дуйся, я́ко се́рдцем и душе́ю за враго́в свои́х Христу́ сораспя́лся еси́.

Ра́дуйся, я́ко моли́твами твои́ми Влады́ку все́х умилоствля́еши; ра́дуйся, я́ко науча́еши на́с сокруше́нным се́рдцем к Бо́гу вопия́ти.

Ра́дуйся, свеще́, су́щим во тьме́ и се́ни сме́ртней возсия́вшая; ра́дуйся, ча́ше, излива́ющая то́ки милосе́рдия Бо́жия.

Ра́дуйся, преподо́бне Силу́ане, пропове́дниче любви́ ко враго́м и наста́вниче смире́нию и моли́тве.

Конда́к 7

Хотя́ Человеколю́бец Госпо́дь яви́ти Свою́ неоскудева́ющую ми́лость к лю́дем, показа́ тя вои́стину о́браз соверше́нного смире́ния и пока́яния. Ты́ бо ре́кл еси́ в моли́тве: «Благодарю́ Тя, Го́споди, я́ко смири́л еси́ ду́шу мою́, Ты́ любиши пла́чущих и смире́нных, да́руй, Ми́лостиве, иди́ти к Тебе́ путе́м смире́ннаго пла́ча, егóже показа́л еси́ мне́». Те́мже печа́льник о все́м ми́ре яви́лся еси́, преподо́бне Силу́ане, и ны́не

приносиши о нас слезы неизреченныя любве, сострадая всем скорбящим и плачущим на земли, принося им радость и утешение и научая благодарно пети Богу: Аллилуия.

Икос 7

Новаго неусыпнаго молитвенника Святѣй Горѣ Афонстей и всему миру дарова Господь, призва бо тя, богоносне отче Силуане, самоотверженне шествовати во след Себе. Ты же, взем тяготу многоболѣзненных трудов, достигл еси духовныя высоты Синая и сподобился еси, аки древний пророк Моисей Боговидец, лицезрети Господа, и был еси учитель покаяния, возглашая в молитвенднѣи и нощи: «О братие мой, покайтесь, доколе есть время; Бог ищет нашего покаяния». Темже благослови тя Христос молитися за вся люди, добрыя и злыя, да помилует всех и вся Господь. Мы же грешнии, любовию к тебе подвижаемии, ублажаем тя сице:

Радуйся, нетленное богатство Царствия Небеснаго возлюбивый; радуйся, умным деланием в мужа совершенна пришедый.

Радуйся, чистоты веры и незлобиа дивное воплощение; радуйся, заповедей Божиих усердный исполнителю.

Ра́дуйся, равноа́нгельнаго жити́я стрóгий ревни́телю; ра́дуйся, преподо́бных вели́ких оте́ц после́дователю ве́рный.

Ра́дуйся, исто́чнице слéз, со́весть омыва́ющих; ра́дуйся, я́ко дрéвний проро́к Иере́миа о наро́де согрешившем пла́чущий.

Ра́дуйся, всено́щных моли́тв и бде́ний усéрдный соверши́телю; ра́дуйся, пока́яния учи́телю благода́тный.

Ра́дуйся, за все́х во гресéх погиба́ющих пред Бо́гом ве́рный ходатаю́; ра́дуйся, моли́твенниче о ми́ре дерзнове́нный.

Ра́дуйся, преподо́бне Силу́ане, пропове́дниче любви́ ко враго́м и наста́вниче смире́нию и моли́тве.

Конда́к 8

Стра́нное и пресла́вное чу́до яви́ тебе́ Госпо́дь, преподо́бне о́тче Силу́ане, егда́ ста́рца, духо́внаго отца́ твоего́ Авраа́мийа, преображе́нна во о́бразе Своём сия́юща, дивно́ показа́. Мы́ же ви́дяще тя́, волю́ свою́, я́ко Само́му́ Го́споду, духо́внику́ своему́ вверя́юща и та́ко в послуша́ние во́ли Бо́жией всего́ себе́ преда́юща, науча́емся смире́нием и пока́янием хотéния своя́ отсека́ти и волю́ Бо́жию чрез па́стырей Це́ркви

Христовой познавати, воспевающе
Подвигоположнику нашему Богу песнь:
Аллилуия.

Икос 8

Всём сердцем твоим и святою любовью твоєю
братии обители Пантелеимоновой послужил еси,
отче наш Силуане, егда икономства послушание
восприяв, целомудренному Иосифу уподобился
еси. Ты бо не токмо о братиях святых обители,
но и о мирских людех, тамо трудившихся, имея
любовь и попечение, зывал еси Богу: «Господи,
посли Духа Святаго Твоего и утеши скорбных их
души». Не забуди и всех с любовью тя
почитающих, но присно молися о спасении нас
грешных, ублажающих тя и зывающих:

Радуйся, подвигом афонских богоносных
отцев последователю; радуйся, их терпению и
трудом подражателю.

Радуйся, яко слезами покаяния добродетель
смирения в себе укоренил еси; радуйся, яко
послушанием отцем духовным от прелести себе
оградил еси.

Радуйся, братиям твоим с любовью
послуживый; радуйся, и ныне братии афонскаго
вертограда в подвизах скорый помощниче.

Ра́дуйся, иноков Пантелеимоновья обители ра́дование и утеше́ние; ра́дуйся, о всѣх подвижа́ющихся в ней те́плый моли́твенниче.

Ра́дуйся, яко тобо́ю обитель ру́сская прославля́ется; ра́дуйся, яко тобо́ю правосла́вная Росси́я лику́ет.

Ра́дуйся, а́нгеле земли́ Ру́сския, на Святе́й Горé потруди́вайся; ра́дуйся, свети́льниче Бо́жия благода́ти на Афоне возжже́нный.

Ра́дуйся, преподо́бне Силуа́не, пропове́дниче любви́ ко враго́м и наста́вниче смире́нию и моли́тве.

Конда́к 9

Всякое естество́ а́нгельское и ве́сь со́нм уго́дников Бо́жиих, на Небеси́ пребыва́ющих, возра́довашася твоему́ равноа́нгельному жити́ю, преподо́бне Силуа́не, постомъ бо, моли́твою и богомы́слием ду́шу свою́ очисти́л еси́ от всякаго зла́, благода́тию Свята́го Ду́ха умъ сво́й озари́в и от Него́же се́рдце свое́ просвети́в, возше́л еси́ на ле́ствицу духо́вную, созерца́я любо́вь неизрече́нную Жизнода́вца Бо́га и в ра́дости с го́рними си́лами поя́ Ему́: Аллилу́ия.

И́кос 9

Ветии челове́честии не возмо́гут пости́гнути
глуби́ну премудро́сти Бо́жией, я́ко не премудры́я
ми́ра сего́, но крѳ́ткыя и смире́нныя избира́ет
Госпо́дь Бог в жили́ще благода́ти Своея́. Та́ко сие́
о тебе́ сбыв́шееся ви́дяще, ѳ́тче Силуа́не, я́ко
исто́чника богодухнове́нных словес, по все́й
земли́ жа́ждущих и́стины напои́вшего, дивна́го
уго́дника Бо́жия и чудотво́рца тя́ почита́ем, и с
любо́вию от се́рдца возглаша́ем ти́ похва́лы сия́:

Ра́дуйся, земны́ми по́двиги небе́сная
дарова́ния стяжа́вый; ра́дуйся, в ра́дости
духо́вней жи́знь свою́ проводи́вый.

Ра́дуйся, красоту́ творе́ния Бо́жия
возлюбив́ый; ра́дуйся, я́ко имѳ́л еси́ се́рдце
ми́лующее вся́кую тва́рь.

Ра́дуйся, в житии́ твоѳ́м му́дрость дивну́ю
явив́ый; ра́дуйся, благода́тию Бо́жиею води́мый.

Ра́дуйся, да́ром прозре́ния укра́шенный;
ра́дуйся, бу́дущая я́ко настоя́щая прови́девый.

Ра́дуйся, мудрова́ний ве́ка сего́ обли́чителю;
ра́дуйся, мно́гих заблудши́х на пу́ть пра́вды и
и́стины напра́вивый.

Ра́дуйся, я́ко о тебе́ ра́дуются а́нгели на Небеси́; ра́дуйся, я́ко о тебе́ Бо́га сла́вят челове́цы на земли́.

Ра́дуйся, преподо́бне Силуа́не, пропове́дниче любви́ ко враго́м и наста́вниче смире́нию и моли́тве.

Конда́к 10

Спасти́ хотя́ ду́шу твою́, всели́лся еси́ от земли́ оте́ц твои́х в вертогра́д Пресвяты́я Богоро́дицы, Святу́ю Го́ру Афóнскую, иде́же в моли́тве, воздержáнии, безмо́лвии, трудолю́бии а́нгельскую красоту́ стяжа́л еси́, о́тче всеблаже́нне, горением бо любве́ ко Го́споду и смире́нием посра́мил еси́ врага́ нашего́ спасе́ния, и с ра́достью вели́кою преда́л еси́ ду́шу твою́ в ру́це Бо́гови, воспева́я Ему́ , в по́двизе тебя́ укрепив́шему, хвале́бную пёснь: Аллилу́ия.

И́кос 10

Стéну не́оборимую́ ро́да христиа́нского Пресвяту́ю Де́ву уразуме́л еси́ Ду́хом Святы́м, преподо́бне Силуа́не, и все́м жити́ем твои́м бы́л еси́ всеу́сърднейший Ея́ служи́тель. Ты́ бо ду́хом созерца́л еси́ Пречи́стую Ма́терь Го́спода у Креста́ Сы́на Своего́ стоя́щую и со слезáми

молящуюся и сие дивное и страшное видение открыл еси нам, грешным. Темже Дух Святой откры тебе любовь неизреченную Владычицы и глубину скорби Ея о мире, не познавшем Господа и Спасителя Своего. Ныне же ты, отче святой, зриши во славе Матерь Божию, молящуюся о всех людех Сыну Своему. Мы же радуящиеся сему, ублажаем тя похвалами таковыми:

Радуйся, благочестно течение жизни твоея скончавый; радуйся, венцем нетления на Небеси украшенный.

Радуйся, яко от обители земныя в небесную водворивыйся; радуйся, яко тамо предстоя Господу о всех нас к Немю ходатайствуеши.

Радуйся, избранниче Богоматере возлюбленный; радуйся, Заступницы Усердныя в молитвах за мир сподвижниче неустомимый.

Радуйся, Преблагословенныя Игумении Афона верный послушниче; радуйся, Тоя вертограда делателю неусыпный.

Радуйся, печаль Ея о людех страждущих в сердце твоём носивый; радуйся, яко ныне зриши Пречистую Матерь Господа во славе.

Ра́дуйся, смотре́нием Бо́жиим дивно просла́вленный; ра́дуйся, я́ко с преподо́бными и пра́ведными всели́лся еси́.

Ра́дуйся, преподо́бне Силуа́не, пропове́днице любви́ ко враго́м и наста́внице смире́нию и моли́тве.

Конда́к 11

Пе́ние умиле́нное прино́сит тебе́, блаже́нне Силуа́не, не то́кмо держа́ва Росси́йская и страна́ Е́ллинская, но и вся́ Це́рковь Правосла́вная, почита́ющи труды́ и по́двиги твоя́, и́миже Бо́г просла́ви тя, е́ще на земли́ су́ща. Те́мже ве́руем, я́ко ты́ Престо́лу Бо́жию днесь предстои́ши, с Пресвято́ю Богоро́дицею о нас мо́лишися, с преподо́бными ликовству́еши и пое́ши в ра́дости Бо́гу дивному́ во святы́х Свои́х: Аллилу́ия.

И́кос 11

Светоза́рный свети́льник незаходи́мага Со́лнца Пра́вды Христа́ Бо́га был еси́ в жи́зни земне́й, о́тче Силуа́не, свети́вый сло́вом и о́бразом свята́го жития́ твоего́, и мно́гим пу́ть спаси́тельный ко Христу́ показа́л еси́, и́мже са́м неукло́нно шество́вал еси́. Те́мже и по блаже́нном отше́ствии твоём в го́рния оби́тели просвеща́еши сердца́ ве́рных и к ра́зуму

Боже́ственному всѣх наставля́еши, поуча́я и нас
ра́достно воспева́ти тебе́:

Ра́дуйся, фимиа́ме благово́нный, от Святы́я
Горы́ Афóнска Бóгу принесѣ́нный; ра́дуйся, в
ра́дость Го́спода твоего́ вше́дый.

Ра́дуйся, вруче́нный тебе́ тала́нт
преумно́живый; ра́дуйся, мзду́ ве́лию на Небеси́
получи́вый.

Ра́дуйся, разума́ духо́внаго сокрови́ще;
ра́дуйся, благо́й ино́ков наста́вниче.

Ра́дуйся, сто́лпе светоза́рный, мра́к вражды́
прогоня́ющий; ра́дуйся, но́вый свети́льниче
ве́ры, во дни́ наши́ пу́ть к Бóгу указу́ющий.

Ра́дуйся, свеще́ афо́нская, огне́м любве́ к Бóгу
возжже́нная; ра́дуйся, звездо́ пресве́тлая, всѣх
ублажа́ющих тя́ оза́ряющая.

Ра́дуйся, прича́стниче неизрече́нных ра́йских
красоты́; ра́дуйся, я́ко с го́рними си́лами
а́нгельски Го́спода славосло́виши.

Ра́дуйся, преподо́бне Силуа́не, пропове́дниче
любви́ ко враго́м и наста́вниче смире́нию и
моли́тве.

Кондак 12

Благодать Всещедрого Бога на тебе излишнюю, всем почитающим и молящимся тебе подаеши, преподобне Силуане, твоя же честная глава по обретении ея яко сокровище боголепное и многоцелебное явися в обители русстей, и ныне чувствуется тамо, яко свидетельство любви твоея и помощи нам, немощным и грешным, в радости о таковой милости Божией зовущим Ему: Аллилуия.

Икос 12

Поюще твоя многострадальныя труды и подвиги, ночная бдения и борения, умное моление и духовное трезвение, яже со всеми избранниками Божия Матере – иноками святогорцами понесл еси, восхваляем тя, преподобне отче Силуане, и вкупе с ними славим имя твое святое, ты бо увенча Господь в Царствии Небеснем, идеже уготовано место всем любящим Христа Бога нашего. Темже ублажаем тя, небеснаго заступника и предстателя нашего песнями таковыми:

Радуйся, цвете благоуханный, в вертограде Пресвятыя Богородицы процветший; радуйся,

любо́вию крѣпкою с земле́ю Ёллинскою соединивъйся.

Ра́дуйся, на Горѣ Афѳонстей Святы́я Руси посланниче; ра́дуйся, о всѣй землѣ Россійстей неусы́пный моли́твенниче.

Ра́дуйся, за отчизну свою́ в го́ды лихолѣтия дивный предста́телю; ра́дуйся, Россійския страны́ духо́вное украше́ние.

Ра́дуйся, святы́нею свое́ю обитель Пантелеимонову обогати́вый; ра́дуйся, яко честна́я глава́ твоя́ источник мно́гих исцелений яви́ся.

Ра́дуйся, но́вое свети́ло Горы́ Афѳонския; ра́дуйся, наста́вниче мона́хов и собесѣдниче Ангелов.

Ра́дуйся, к ли́ку преподо́бных на Небеси́ сопричтѣнный; ра́дуйся, яко со все́ми святы́ми ны́не торжеству́еши.

Ра́дуйся, преподо́бне Силу́ане, проповѣдниче любви́ ко враго́м и наста́вниче смире́нию и моли́тве.

Конда́к 13

Опредивный уго́дниче Бо́жий, земле́ю Россійскою рождѣнный, подви́жников Святы́я

Горы́ Афѳонскія похвалѳ и украшѳние, истиннаго равноангельнаго житія ревнителю и всему́ миру православному богомудрый наставниче. Приими́ сие́ малое молѳние наше и сохрани́ обитель твою́ и подвижающихся в ней от врагъ видимых и невидимых, от всяких зѳл и напастей. Умоли́ Господа о всехъ чтущих и любящих тя, да во дни́ наша лукавыя свято пребудем в верѳе, терпѳнии и любви́ и тако житиѳе наше прешѳдше, вѳчнаго мучѳния избавимся и сподѳбимся в радости вѳчной с тобою́ воспевати́ Богу: Аллилу́ия.

Этот кондак читается трижды, затем 1-й икос и 1-й кондак.

Молитва

Опредивный угодниче Божий, преподобне Силуане, Святыя Горы́ Афѳонскія нѳвый светильниче, Пресвятою Богородицею возлюбленный и быти верным делателем в Ея́ земномъ вертограде призванный! Со умилѳнием ны́не преклоняем колѳна сердецъ наших и зываем ти: принеси́ молитву́ нашу к Милостивому Богу и испроси́ вся, яже на пользу душам и телесемъ нашим: веру праву, надежду несумненну, любовь нелицемерну, во искушѳниях мужество, в злостраданиях и

болѣзнях терпѣние, во благочѣстии преспѣяние, в молитвахъ постоянство. Приими смиренное молѣние наше, согрей насъ дыханіемъ любви твоея, озари насъ свѣтомъ дарованныя тебе благодати и буди о насъ ходатай ко Господу, пролей к Немѹ молитву твою, да утишитъ бурю страстей нашихъ и хладная сердца наша огнемъ Божественныя любви Своея да согреетъ и тако сподобитъ насъ теплое покаяние со слезами Емѹ приносити, труды же и скорби житія сего терпеливо, безропотно и со благодареніемъ понести, и в часъ исхода нашего отъ земнаго житія бездну греховъ нашихъ в мори милосердія Своего да погрузитъ и насъ помилуетъ ради Своея неизреченныя любви к роду человѣческому и да сподобитъ в Царствіи Небеснемъ наслаждаться Его Божественною любовью купно с тобою и всеми святыми, во веки вековъ. Аминь

Молитва, чтѣмая в Свято-Пантелеимонове монастырѣ Святыя Горы Афонскія

Опредивный угодниче Божій, отче Силуане, преподобныхъ отецъ Афонскихъ похвало и украшеніе! Услыши насъ, молящихся тебѣ, покрый и заступи всехъ подвижающихся во обители святаго великомученика Пантелеимона отъ всякихъ бѣдъ и печалей, помози уставы

преподобных отец Афонских непоколебимы
сохранити, избави нас от падений греховных,
даруй нам дух сокрушения и смирения, настави
на исполнение обетов иноческих и всех
заповедей Божиих. Научи нас шествовати ко
спасению путем смиренного плача, покаяния и
послушания, пребуди неотступно с нами,
наставляя нас на истину Христову. Стеною
молитв твоих огради обитель сию, всех живущих
и подвижающихся в ней и всех на поклонение в
нее приходящих; во братии мир и любовь
соблуди, осени покровом твоим строителей,
благодотворителей и благоукрасителей ея. Умоли
Небесную Игумению Афона Препоблагословенную
Владычицу Богородицу, да сподобимся скончати
житие наше в стенах обители, в нейже ты
подвизался еси, и в Небесная обители
преселитися, идеже восхвалим с тобою и всеми
преподобными, на Святей Горе в подвизах
просиявшими, единого в Троице славимаго
Бога, Отца, и Сына, и Святаго Духа, ныне и
присно и во веки веков. Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НОВОЕ
* НЕБО**